


鎮江府志

二十九之
二十一

內閣文庫		
番號	漢. 14249	
冊數	32 (13)	
函號	史142	2



宮室

宮室者

時之所托跡也其人已往彼崇臺廣厦

碧檻雕楹

久蕩為荒烟茂草而後之卜宅經營者

又不知幾

經轉徙興廢曷志之志之者為其人雖

往猶有

名有不往者在也千百載下流覽遺踪以

憑弔其生平必有聞而興起者矣志宮室

丹徒縣

宋丹徒宮在城南宋武帝微時故宅也後築為宮

見輿地志

武帝躬耕丹徒及受命農具猶有存者皆命藏之

雷于後元嘉中文帝幸舊宅見而色慙近侍進曰大

舜躬耕歷山伯禹親事水土陛下不觀列聖之遺物
何以知稼穡之艱難先帝之至德乎蘇軾詩云劉裕

宅邊霜竹老戴
公山下野毒香

南唐丹陽宮未詳所在南唐先主二年楊溥遷丹陽宮今廢

春秋慶封宅在縣治南齊慶封奔吳吳與朱方聚其族而居之宅有井唐陸龜蒙有古井在並序

晉刁勰宅在城西南近宅有橋勰因毀為航號長廣航

郗鑒宅在唐顏山南劉楨京口記唐顏山周迴二里餘得郗鑒宅五十餘畝

謝懸宅在大瀆北口記長村東大北有謝懸故宅

宋武帝舊宅在壽丘山

戴顓宅在城西南七里招隱寺即其址

唐許渾宅在城南三里下卯洲其詩序于朱方下卯洲合後目之為下卯洲

有夜歸丁卯村舍詩

南唐刺史林仁肇宅在朱方門外一里

贊善大夫陳翊宅在京口徐鉉有送翊還鄉序

宋丞相陳升之宅在范公橋南後廢為軍寨及酒庫今

為民居公治第極宏壯宅成已疾甚眉輿一登西樓有營居詩

判三司刁約宅在范公橋東後廢為前軍寨有塢曰藏春堂

曰逸老岡曰萬松景純懷南徐所居詩云城南已暮

藏春塢溪側方營逸老堂嶺上萬松三徑合江中千

稱一坵黃河馬光詩云藏春在何許鬱鬱萬松林蘇

軾詩云白首歸來種萬松待看千尺舞春風京口昔

舊傳刁氏家世簪纓居有園池之勝景純益葺之當

世名能文者皆有詩故藏春之名聞天下淳熙末郡

守張子頰嘗築亭三楹於廢址取歐陽修所題藏春

塢詩水浮花出人間去之句榜曰浮花尋亦廢

學士沈括宅在朱方門外夢溪橋之東

丞相蘇頌宅在化隆坊

京口集有頌新居詩版築多遺址經營信管緣自注舊址

乃林仁肇故宅林亦温陵人而家此今予居之信非

偶然曾肇銘頌之墓曰築第京口僅蔽風雨蘇氏談

訓曰頌以客使居化隆之新第著百韻詩代家訓

述祖先基業平生艱勤訓飭子孫俾無墜世緒

左丞王存宅在登雲門裡

京口集有存閒居詩云族居自買百間屋月賜官廩

六萬錢又却客致假山石詩云乞得林宮就退閒誅

茅結宇即城灣開門自有林巒秀不用辛勤作假山

丞相曾布宅在千石墟之東

布嘗有詩曰家在城南千石泉後為雙望酒庫

又為道林寺知院蔡卞宅在登雲門後廢為右軍寨

與王左丞宅相近有閣曰

元儒亭會之閣繼宗御書

中書侍郎劉達宅在長橋之南建炎末為宣撫司詔

興初為都督府後為毅武王勝宅今廢

延康殿學士王漢之及其弟寶文閣學士渙之宅並

在放鶴門今廢

尚書蔣猷宅在放鶴門後為大軍寨

學士毛友宅在千秋橋有齋曰歸與

友自為記刪定官陳克有詩後

併入丹陽館

米芾宅在千秋橋西軒曰致爽齋曰寶晉

所著文號寶晉山房

集有致爽軒詩六首後為巡撫公署又有淨名齋在

北固山寶晉集有淨名齋記并詩海岳庵在利涉門

裏南山上芾嘗自為賦并書刻之石今不存京口者

舊傳芾喜登覽山川擇其勝處過潤愛其江山遂定

居焉作寶晉齋藏法書名畫其中北固既火結庵
城東號海岳日吟哦其間為京口佳絕之觀今廢

元行工部尚書辛仲實宅在市西今廢

雲南憲僉范震宅在通吳門裏今廢

明中山武寧王別墅在金銀門外

東甌襄武王第在善濟坊今廢

大學士楊一清第在黃祐街正德庚辰閏八月武宗

南巡過京口臨幸宴於茂社堂御製詩十二章賜之

大學士靳貴第在虎踞門內正德庚辰閏八月武宗

南巡幸京口時貴已卒臨其殯自為文祭之

尚書范崙宅在虎踞門內大街

應天府尹談自省宅在大學士靳第之西

廣西巡按王政新宅在石礎橋西

都督同知陸萬里宅在金銀門內大街

伎堂在郡城東南晉謝安立唐李德裕題北固山詩云班劍出伎堂

射堂東夏堂皆謝懸立未詳所在輿地志射堂北有東夏堂晉謝懸立

遊餞之所梁邵陵王綸重修陳侯懸都於下堂創東苑通鑑劉毅在京口與知識射於東夏堂庾悅為司徒右長史後至奪其射堂衆皆避之毅獨不去

積勞堂在唐頹山西二百步宋武帝作見輿地志帝之攻盧循也

軍中多萬鈞神弩所至摧陷

蕭閒堂在丹陽館北河岸宋置方輿勝覽在鐵甕門西按茅山洞中有蕭

閒居觀况詩
蕭閒隱洞房

淵源堂在府學內宋景定中建

衛公堂在府治後唐李德裕為觀察使時所建後人因其封爵名之

威輔堂在石公山防江軍教場內宋郡守史彌堅立

嘉定中防江軍廢以其器械營舍歸之州郡郡守史彌堅按行其營拓舊闕場立堂五間扁以威輔為春秋蒐獵之所今廢

翔雲樓在嘉定橋南元李天祥宅也丙申三月既望二日明高帝取鎮江至其上

芙蓉樓晉王恭所創見京口記及魯叟類集或云卽蒜山門是王昌齡有芙蓉樓送

辛漸詩崔崗有登潤州芙蓉樓詩

望海樓在府治後宋蔡襄題曰望海為城中最高處

如屏障中畫出信江南之絕致也米芾沈括有詩後改曰連滄觀方輿勝覽題連滄觀呈太守張幾仲詩

花樓在郡城上金華雜編唐李郁相國領鹽鐵嘗駐潤州于此觀周寶擊毬憑城下瞰

千巖樓宋敏求題刁約藏春塢詩云千巖相望蔽松筠注千巖樓在潤州刺史王璠創

丹徒鐘樓在壽丘山南明弘治間郡守王存忠重建今廢

萬歲樓卽月觀也在譙樓之西本王恭所創輿地志

飛向江外以鐵鎖縻之方止至唐猶存宋呼為月臺潤州類集萬歲樓卽今之

月後改爲月觀未詳何時紹興戊午郡守劉岑葺故址而

新之汪藻記唐孟浩然王昌齡有登萬歲樓詩明天啓乙丑郡守賀仲軾

按往蹟於山隈構樓修復勝槩樓西有純陽祠

壯固樓在壯固山上晉靜惠王子正義蔡謨鎮京口起樓嶺上以置軍實梁武帝幸

之登降甚狹下輦步進正義乃廣其路設欄楯翌日

再幸遂通小輿帝悅登覽賦詩賜正義帛天色晴明

望見廣陵城如青霄中鳥道相去五十里唐李白宋范仲淹有詩

多景樓在北固山上國朝都督同知侯襲爵復書舊額扁于其上宋沈括曾學米芾

海岳樓在北固山大雄殿左明巡撫周忱建

海門樓

千叢樓唐天下之名樓五此乃其一

江南偉觀樓在津渡石堤上明景泰壬申郡守張

建國朝順治中重建易名大觀

杜鵬樓在城南鶴林寺內

日觀在譙樓東宋嘉祐中郡守趙善湘創與月觀對

峙

迴賓亭未詳所在建康實錄梁武帝大同末幸京口安帝鄉故老於迴賓亭

二翁亭在蒜山無爲集淳玉僧建時新舊太守林希

楊傑首登之因名

浮玉亭在玉山之址下臨江卽今釣鰲亭宋紹興間郡守程邁

立每肄習水軍麾節臨閱于此嘉定間都統制劉元鼎重建郡守史彌堅名曰東南形勝今玉山寺即其故址

鎮海亭

臨江亭

桂亭

潤州類集為登臨勝地今失其故處

南山亭在放生池上宋紹興癸亥郡守鄭滋建後廢

嘉定中郡守趙善湘重建

需亭在城西江上宋乾道己丑郡守陳天麟重建

按劉

備自謂江口見孫權求荆州權表備為荆州牧自餞定都事寧之日願與公乘舟遊滄海耳備對曰此亦備之志也以沂江發祥處考之正當此地

濟川亭在湖間之西南舊名安流嘉定中郡守史彌

堅重建

為重客候便之所

淳祐中李迪嘗修

送江亭在石公山上乾道己丑郡守陳天麟建

取子瞻

詩宦游直送江入海之句為各

荷香亭在荷香池上

一漚亭在焦山渡之東宋寶祐中總領趙與峕建

與同亭在土山下排灣宋淳祐中郡守李迪建

通津亭 漾月亭並在丹陽館東北

送舟亭舊名南新亭

皇華亭在丹陽館南宋置為送迎使客之所

光風霽月亭在府學

楊一清記畧云光風霽月亭蓋取黃庭堅稱濂溪周先生語而

名之者也先生少失父奉母太君依舅氏鄭龍圖居潤母卒遂塋焉後人即其地建祠祀之又闢書院以

居四方之學者有相賦供廩餼載郡志可考歷宋而元屢徙其舊近時書院遂廢其地併與鶴林寺僧明景泰間郡守張公巖重建廟學乃即廟背山之巔上構亭扁以今名憶書院未可即復姑為是以識先生之蹟庶幾後之君子有能興起而修復之者

讀書臺梁昭明太子讀書處也在昭隱山上今猶有石窟存焉

風漪軒在唐頹山

東苑陳侯安都創未詳所在

藏春塢在范公橋京口耆舊傳曰刁氏家世簪纓故

所居頗有園池之勝至景純益葺園曰藏春塢西臨

流為屋三間曰逸老堂又西有山阜植松其上曰萬

松岡凡當世名士能文者皆賦詠賞之後歸述氏

夢溪園在朱方門外子城下宋沈括所居有自誌

研山園在靈建寺東即米南宮故居宋紹興初總領

岳珂闢之以為燕游之所

退園宋睦州倅俞康直所居京口耆舊傳康直通判睦州秩滿奉祠時年五

十七暨祠祿再滿遂請休致即所居東南為退園終日笑傲其間蘇軾嘗為四詩

西園在放鶴門內韓蘄王故園

南園在仁和門內宋都統司設醕之所至明為楊文

襄一清別墅後又歸曹氏

孫楚別墅在暨土山下第一村人號牧坡有庵曰無

極亭曰水天平遠曰天根月窟曰虛白曰橫雲今不存

孫園在清風橋東南宋步帥孫虎臣之後圃

王園在謝墳寺之東宋安撫王起宗別業後廢

蛟溪書屋在巨村歐陽氏之西里明劉基讀書處

丹陽縣

晉王珣宅在縣市後為朝陽寺即今之普寧寺

梁武帝宅在塘頭村東帝嘗幸舊宅井上有棗樹帝兒

時所植今井尚存

唐處士張祐宅未詳所在或云今丹陽橋東河岸

栢彥範宅在北岡去縣北八十里今於廢址立廟祀

焉名桓將軍廟

詩人陸澧宅未詳所在嚴維有自雲陽歸晚泊陸澧宅詩

權文公德興宅在練湖上德興有送叔赴晉陵詩序云德興舊居丹陽去晉陵

百里又有憶江南詩曰結廬常占練湖春歲久莫識其處

宋樞密副使邵亢宅在耿岡

左丞王存宅在練湖濱按存宅在郡城登雲門裏此其別業也

中書舍人蔡肇宅在竹塘村

禮部尚書洪擬宅在大泊村

安撫邵彪宅在縣東徐庄

殿中丞諸葛賡宅在大華村京口者舊傳賡以太子歸闕其居之側為圃開竹之蒙密為洞洞之外為亭亭之下為池珍卉環之總名之曰歸休

侍郎湯東野宅在珥村

漫塘劉宰宅在高牧鄉丁珥

吏部王揚英宅在南郭下扁曰練水草堂

修撰陳東宅在石城鄉越塘

通判鍾將之宅在湖頭宅南有園曰秀野湖山之景萃焉其中有野堂劉宰為記

陳輔之宅在南郭

竇從周宅在呂城鎮北

明尚書沈固宅二舊宅去縣南三十里葛莊新宅在城

中凝真觀西

尚書儲懋宅二二在三思橋一在普寧寺東

太常卿姜志禮宅在太平橋

通判孫曜宅在普寧寺前南城下

給諫湯禮敬宅在沈家橋駁巷

尚書姜寶宅一在滕村一在西門內城隍廟側

布政湯日照宅在大街

檢討睦石宅在麻巷

尚書張捷宅在大街

吏部郎丁鴻陽宅在大街

巡撫湯道衡宅在大街牌樓下

尚書賀世壽宅在舊城

副使賀納賢宅一在舊城一在舊城外鍾家巷

望江樓在闔闔東

鎮湖亭在闔闔西

縣南樓在縣南

雨花臺在經山崇教寺內今廢

飛昇臺在歸真觀內久廢

釣魚臺在桃花澗上

後樂亭在巡撫行臺明弘治十四年都御史彭禮建

律亭在縣治前再思橋上明弘治知縣高謙建

望湖亭在觀音山後五聖墩上舊名湖光亭嘉熙間

改名一碧萬頃

丞相吳潛書額章瑛記

弘治甲子重建

國朝

順治八年改名萬人亭

邑人土懋時為知縣與之鎮改建

金壇縣

許長史宅即今玉宸觀是

唐戴叔倫宅即今大虛觀是

宋參政張綱宅在希墟村有亭曰喜歸

樞密湯鵬舉宅在縣東小墟

紹興丁丑二公並為執政邑人呼張為西府湯

府為東

八行張恪宅在東寺門裏

漫塘劉宰宅在後趙橋北

尚書王遂宅在唐安門裏

明大理卿虞謙宅在丹陽門內

編修高遷宅在小墟

參議段敏宅在南門裏

敕旌義門王葵宅在永仁巷

都御史于湛宅在沿河巷及南門裏舊學基

僉事王曄宅在岳陽村

都御史王樵宅在東門前街

光祿寺少卿于孔兼宅在沿河巷

翰林檢討于肯堂宅在東門後街竹巷口

戶部侍郎于仕廉宅在沿河巷即古姚家巷

禮部郎中周鑣宅在拱極門外鹿蹟

讀書臺梁昭明太子讀書處也在茅山福鄉井

武功臺在縣治西池中唐縣令姚合築今廢

八卦臺在茅洞東宋待制陳公甫於紹興間修道建

此臺演畫八卦

顧著作况山房在菖蒲潭石墨池上

秦系山房在石墨池

輿地記唐人穴石為硯注道德經隱逸傳系會稽人工詩權德

輿云劉長卿自謂五言長城
系以備師攻之雖老益壯

宋齊丘山房在海眼泉上鄭尚書裴大師楊尚書山房並在海眼泉

張文簡公綱山房即華陽宮之深秀軒

北亭在縣治北臨河淳祐中知縣孫子秀立郡守王埜書扁

繡衣亭在茅山相傳大茅君受九錫處今指大茅西

嶺上大石危立向西厓下小平處為故基也

九錫亭在茅山南洞以覆茅君九錫碑文今廢

碧崖亭在茅山碧崖洞下有宋史浩隸書扁今廢

嶽峯亭在碧岩洞上

頌春亭在譙樓北今廢

繡羽亭在福鄉井上以覆井銘碑今廢

石亭在華陽道院

全清亭在華陽道院元時建

御亭在顧龍山明正德中建以覆御製樂府碑

拙逸山亭在茅山碧虛庵東武功伯徐有貞建

釣雪亭在天荒蕩中鄧伯羔建王稱登記

翠光亭在縣治內明知縣柯有桂建評刻邑士制藝名翠光亭選

明秀軒在靈濟廟前宋米友仁所居刻石詩云見山眼增明臨水氣

增秀

湖山偉觀軒在明秀軒前米友仁嘗題樂府其上寶祐丁巳邑

人張炎建

敦復齋陳從古取易復之六五以名

韓元吉記

玉雪齋虞謙白扁所居

竹雪齋王振自扁所居

秀芝堂邑東劉鑑堂後產芝一本九莖因名

華陽館在縣南三十里唐貞觀中建今廢

金壇館舊在稅務南改建縣治東南屋數十楹今廢

墻東園在縣西方邊村張明弼別業

鎮江府志卷之二十

寺觀

緇羽者四民之餘寺觀者學校壇社之餘在昔承平日久物力殷富郡人士不妨以其餘閒暇日起而鏤金繪碧以為浮屠老子之宮邇者烽火之後民氣未復岌岌不暇為此也二氏之徒顧日以興造之事煽惑一二富民大估所謂緇者尤黠居名山為市紺宇相望嗟乎時絀而緇興造不可以已乎若夫舊跡頽圯則葺而新焉可也志寺觀

丹徒縣

金山寺

在金山東晉時建名澤心

趙孟頫謂元帝時虞集謂明帝時未知孰是

梁

天監中水陸儀成嘗即寺修設

祥符圖經謂始于唐因頭陀開山而誤也

宋祥符五年改山曰龍游天禧五年復名山曰金而

以龍游名寺

咸平初澤心寺僧幼聰獻山圖詔遣內侍藍繼宗賜大藏經祥符五年詔改山

名曰龍游天禧五年又遣內侍江德明就飾佛像給錢三百萬市木修寺寺僧求表舊名詔山曰金山寺

政和四年改爲神霄玉清萬壽宮

時詔天下悉立此宮鎮江

府以龍游寺改建徽宗親書殿閣等名賜之爲天下神霄第一郡守毛友及汪藻皆爲記又藻記稱先唐

時嘗以爲龍游觀蓋一南渡燬于火淳熙中僧溍衷時逢迎之詞非實也

重修學士洪明大樂中僧道淵創建兩廊及毘盧閣

洪熙間葺大悲殿正統十一年寺燬明年都綱弘霏

重建是歲勅賜藏經自元以來通謂金山寺寺中爲

大雄殿其前爲天王殿東北爲伽藍殿西爲祖師殿

其後越毘盧閣爲藏經殿

侍郎周忱建以貯正統間賜藏經殿之

後爲觀音殿

永樂間內侍鄭吉祥建

山有薦慈塔二

宋元符末知樞密院

曾布建宋末燬于兵燹

妙高臺

在山絕頂宋元祐間僧了元建元自序云

東望瞻禮須臾焦山西北霞光上燭

楞伽室

在妙高臺下蘇

公書楞嚴經後云太子太保樂全先生張公安道以

廣大心得清淨覺慶曆中嘗爲滁州至一僧舍偶見

此經入手恍然如獲舊物開卷未終風障冰解細視

筆畫手迹宛然悲喜太息從是悟入常以經首四偈

發明心要軾游于公之門三十年矣今過南都見公

于私第公時年七十九幻滅都盡慧光渾圓而軾亦

老于憂患百念灰冷公以為可教者乃授此經且以錢三十萬使印施于江淮間而金山長老佛印大師了元日印施有盡若書而刻之則無盡賦乃為書之而元使其侍者曉機走錢塘求善工刻之板遂以為金山常住乾道戊子僧寶印即軾之寫經處為楞伽室

悟心堂 在妙高臺下 **浮金堂** 徐元用常邀蘇皆大徹因名

雄跨堂 宋乾道初淮東總領洪玉鑑堂取學士蘇紳

光中住人在 **水陸堂** 南豐曾鞏記元延祐間兩建水

碑集賢學士 **三禁堂** 舊錄金山寺舊有輪藏並巨鐘

寺僧別峯印入定游龍宮龍王謂曰寺每推輪藏鳴

鐘吾宮為之震動汲水者亦有穢污請皆去之印許

并干寺左大鐘亦不鳴因建三禁堂焉 **觀瀾堂** 在長

永安堂 在正 **至游堂** 宋元祐寶覺禪 **化城閣** 王安石

詩有 **無邊閣** **金鰲閣** **奎文閣** 宋高宗幸建康

詩有云萃然天立鎮中流雄跨東南 **萬壽閣** 在

初僧應深建 **毘盧閣** 在大雄殿後永 **千佛閣** 在大雄

學士虞集記 **靈觀閣** 在南建五聖閣弘治間重

道瀾建 **西山閣** 在妙 **三聖閣** 萬曆中僧 **水月**

樓僧祖建 **善財樓** 中僧衡適 **酒虛樓** 在聽潮 **聽潮軒** 在靈

下景泰間 **養素軒** 在山之東成化 **鎮濤軒** 在山之東

僧弘憲建 **雪月軒** 在養素軒左弘 **無極院** 廢久

建 **涵清軒** 在妙空巖前弘 **雪窩** 在寺廊下正統 **信庵** 在無邊閣西宋理宗御書

雪窩 在寺廊下正統 **信庵** 在無邊閣西宋理宗御書

之北庵 在中冷泉之北弘治間僧惠明建 留雲亭 在山絕頂景泰中郡守白仲賢重建

正德中尚書喬宇 易其扁曰馭風 吞海亭 在山巔東瞰海門天水蒼茫登覽尤勝陸游入蜀記

云取毛吞 巨海之意 迴瀾亭 在山西南高阜地遺址尚存 烟雨奇觀亭 在迴瀾亭

之北宋紹 興間建 江山一覽亭 在觀瀾亭北成化中建 中冷泉亭 在正

藏經閣 明萬曆癸巳勅賜大藏經一部僧空龍王廟滿建閣奉之翰林檢討王肯堂有記

五代楊氏據江南封下元水府昭信泰江王祥符封顯濟浙西安撫劉光世重建嘉定郡守文爾堅再建

明洪武封顯濟 龍王賜諭祭 尉遲寶閣 在山南唐尉遲敬德修山寺僧祀之唐憲裝法師

至山因並祀之考尉遲守揚州造秦州城修寺或宋有之懸吳自滇蜀入天竺途經金山亦未可知也

韓蘄王廟 在龍王廟左 呂仙祠 在縣唐虞世改建

玉帶橋 以魚骨甃成

焦山寺

在焦山傳燈錄載為歷代祖庭創自漢興平間名普濟寺唐時僧法寶重建宋名普濟庵元祐初了元禪

師居之復名寺景定癸亥燬僧德輿建 均守陳元名

焦山寺兵燬明宣德正統僧覺初心建規模宏壯景泰間其徒弘衍拓之梵宇之盛遂與北固金山抗矣

大雄殿 唐時建宋了元元聞叟明覺初心弘衍 天王

殿藏經殿 明正統十二年勅賜藏 明應殿 即伽藍殿

焦光宋勅刻石殿 塔在山巔寺舊無塔元大德間江

中郡人蘇師德記塔 浙僉省周文英渡江阻風詩建

塔于焦山有項風止乃捐貲創化僧塔 在山門廡

造歷九年而成後廢為吸江亭

十八海雲堂

在大雄殿左即方丈舊藏有周鼎玉佛
楊文襄公玉帶各一鼎久失所在知縣

龐時雍禪堂

在海雲堂左堂之南有齋堂左右有廊
詢得之西南有小軒東有浴池厨庫門樓跨街

亦名枯隱士祠

舊在大殿右有司祭祀像袞冕明天
木堂順間郡守林鶚以非光本志改深衣

大帶後又復袞冕郡守姚堂修沈固記正德王中郡
守羅循仍改深帶僧懼屢改袞神請深帶知高御史

聞人詮書額年久祠類國朝順治癸巳修以備
上移祠江邊了元詩曾入真皇夢威靈鎮九州海門

庵在寺別峯庵

在寺頂自然庵在山半觀海峰庵在
東在寺北

應殿水晶庵在明應殿東南內有一笑軒
後祖覺在水海西庵在天王朝陽庵之東雲聲庵在別

品庵東海西庵殿西朝陽庵之東雲聲庵在別
下真武殿僧德戒海雲樓在海雲華嚴樓即三峯亭

詔洞側僧寶蓮閣在海雲堂東康熙建贊善閣
元清建

千佛閣

在大雄觀音閣在西前雙峰閣國朝康熙八
松寮閣在禪堂前明萬曆建雲閣山人郭藏經閣崇

順王申殿燬僧興上於國飛雲室在觀音閣後郡
郡康熙乙巳重建為閣飛雲室在觀音閣後郡

丹臺在山絕頂相傳焦光遺跡又云壯吸江亭舊在
西今移善財亭在觀音壯觀亭在山西南明天順間

發高壯觀大地間寶墨亭二其一以覆瘞鶴銘宋初
之旬徐有貞記石幢舊在郡治郡守趙潛移置山中

石幢咸淳中建石幢舊在郡治郡守趙潛移置山中
亭以是作宋蘇子瞻有詩國朝郡守錢升重建于

海雲朝宗亭在山之東與海望江亭謂登是亭而望
堂左朝宗亭門山相對久廢望江亭

焉則瀟瀟濕濕稽天而白一漚亭二焦山渡東俱廢
者皆江水也故名今廢

飛仙亭江山偉觀亭並在上會景亭在觀音閣右舊
飛仙亭

飛仙亭

飛仙亭

丙申郡守
王應麟建

甘露寺

在北固山三國時吳王皓所建時改元甘露因以為
名張氏行役記謂甘露寺在金陵山上蓋唐人指京
口為金陵寺舊在山下唐李德裕觀察浙西時施州
宅後地增拓基宇或云此時甘露降
因以名寺非也乾符中燬鎮海
節度使裴瓌重建宋祥符間僧祖宣移山上建炎燬
於兵嘉定壬戌僧祖燈復建元至元己丑燬大德己
亥僧智本重建明宣德癸丑僧玳理重修創景泰間
僧惠璉行詮成化弘治僧益淵妙福體瑤相繼修

進而規模煥然矣今存者大雄殿

建皆與寺同

音殿

在大殿
西北

伽藍殿

在大殿
左

關聖殿

在大殿
前

五聖殿

在觀
音殿

前藏經閣

明正統間建殿以貯勅賜大藏經典痺濕
多毀萬曆初金陵僧如學建閣又造曬經

臺補藏經唐文獻

有記馮夢禎有跋書材閣
取米芾指南山堪作畫材

也文昌祠

昔為三賢祠祀縣令龐時雍
趙昌期楊金通後改祀文昌

長廊

明米萬
鍾書宏

開驚嶺四大

凌雲亭

取荀中郎使人
有凌雲意故名

多景樓

詳宮
鐘

樓鐘元至正九年

鑄明萬
曆間僧謹諒造樓懸之

鐵浮圖

唐李德裕造在天
王殿東北乾符中

燬宋元豐中裴瓌

復建明萬曆癸未童謠風吹鐵寶
塔水滄京口開是年塔頽海嘯没人甚多僧性成功

琪重天王殿

即今山門梁武帝書天下第一江山額
後廢宋淮東總管延陵吳琚書

通判程康莊臨

海門堂即禪堂

在山
接引大殿
明萬曆間

魯僧孔法序塔在接引殿後宋丹徒令王紀築縣垣

五峯建法序塔土中得石函上刻梁大同五年道人

銀瓶有舍利七粒龕後刊唐貞元十一年再加營奉

役人張遇獲之遇後投慈雲寺為僧易大士庵僧謹

名閭真端拱元年遷瘞于此徐鉉記

正統中惠蔭竹庵即妙空閣僧謹研山閣宋米芾

題曰天開海岳後煨乃移建于城東利淨名齋在山

涉門內明宣德間僧瑛理即其北重建

岳庵在山之西麓亦米芾建蔡氏叢談云米南宮以

為記并詩垂青庵在禪堂右取水最深四生生庵在山

後石壁下明崇禎寺昔有今廢者護勅堂在藏經閣

奉藏經勅諭御書亭殿前雷音堂在護勅堂後水陸堂

千佛閣 大悲閣 凝虛雨華二樓 臨江亭唐建

上多景樓其址也李德裕嘗題詩于巽云近世二千

石畢公宣化厚丞相量納川平陽氣冲斗三賢若時

各構平陽齊詹事辭也三公皆歷潤守鎮海亭見潤

北固山亭在山之絕頂齊梁之前已有之梁武帝嘗

徑路傍施欄墜翌日御小輿以登觀之上東軒宋郡

悅宋郡守王堃嘗大書四字刻于石後殿

梁武帝鑄賜鐵鑊二陸探微畫菩薩二獅子一李衛

公祠及公手植栢今俱

鶴林寺

在黃鵠山下舊名竹林晉大興四年創宋高祖微時

嘗游焉及即位改今名唐開元天寶間法照懸素主
其地始為禪寺又名古竹院唐李涉詩因過竹院逢僧話即此

後薛朗劉浩作亂寺燼宋紹興中重建改名報恩光

孝禪寺咸淳間僧慶清重修寺在山南明永樂中寺

燼僧得月就古竹院稍葺治之即今址也弘治中了

心始建殿宇萬曆間郡守秀水鍾庚陽招僧德乘居

之吏部尚書陸光祖捐金復寺傍侵地重建天王殿

及方丈僧寮蓮亭竹院馬邦良有記

國朝康熙乙巳僧淨能無怠重修

招隱寺

在城南七里招隱山宋景平元年曇慶禪師所創即

戴顓隱居之地見梁晉安王綢刺銘又云顓始至京口嘗居竹林其後築館此山梁

昭明太子嘗讀書於此元俞用中碑曰戴顓女捨宅為院昭明石案尚存寺

有石井傳為昭明所開珍珠泉及亭李迥構虎跑泉鹿跑泉唐

士蔣防為記王藥花李沈二公所賦玉藥亭岳珂有詩又

有唐宋諸賢題詠石刻明正統中遷于鶴林寺米芾南宋戴顓

高士記斷碑米元暉書增華閣萬松關李迥創唐駱賓王劉禹錫張祐有詩

竹林寺一名夾山禪院

寺在城南六里創建自晉廢已久明崇禎間禪僧林

臯來山構草蓬獨居二年創名藍上有洛浦基獅子

崖夾源并放生池百尺松林公泉普同塏卧如來祖
師塏一佛居

因勝寺

一在城西二十五里五州山梁時山中有寺武帝曾游
幸焉輦道尚存宋熙寧中陳丞相升之墓其親於山
山半為建寺曰顯慈其登眺之所曰日觀曰卧雲蘇
軾題其亭曰卧看滄江題其泉曰夕聽流泉建炎間
徙山下會布有詩後廢先是虎踞門內唐大中六年建寺
曰妙喜宋元祐中蘇右丞頌請為功德院遂名為因
勝報親院有黃庭堅開元寺有石羊後失元至正
石刻及米

間燬僧懸炫復建明洪武時又燬成化時僧戒瑤

建楊一清有記尋廢萬曆間有北僧治淨來山中結茅獨

居郡劉笪何曹四姓為市山創建因移城中因勝舊

額于寺規制宏敞有普同塔院千尺井陳元素金剛

經偈曹廷傑記崇禎末土兵燬其殿後禪僧剖玉主寺開

叢林繼以克初更構大殿克初逝僧朗真繼之

善禧寺

在朝陽門外舊名南山報恩隋開皇間凜禪師建于
通吳門外武烈帝廟側唐乾符中慈庵愿師于寺南
別創廟改舊廟為寺請南山報恩額揭之元至元中

僧文遷于此額山門曰南山福地即宋安撫使明洪漢氏之故宅

武中僧源建觀音殿樂初僧用謙建悠然閣藏殿

山門景泰二年弘慈重建殿宇三年德定奏請勅賜

今額弘治十五年道清建法堂嘉靖間圯僧明琇重

修後漸荒圯

國朝康熙丙午禪僧雲德重修復興禪林本寺原賜公

庄田地九千八百有奇寺基九百四十畝今實存僅

田十畝地四十六畝山十三畝塘二畝共折五十七

畝五分嘉靖中郡守秦淦撰復田碑尚存

萬壽寺

一在汝山麓宋趙安撫故宅元大德中僧志和徙此既

而燬延祐中復創又燬明重建丁元吉記後分東西二房

日漸頽廢

國朝順治戊戌禪僧端明與徒宗印居東房募千餘金

一修建復為禪林

芳果寺

在虎踞門外宋乾道中建高宗成肅皇后謝氏功德

寺也后父冀王母慶國夫人劉氏墓在焉寺有石渠

上構流憇亭又有古繡七佛像及墨竹石刻今皆不

存又有銀杏一株甚巨相傳創寺時所植

雲寺

在城西登雲門外舊名福因智果院唐貞觀間僧俱
祇建賜額宋曾文肅公布捨田重建有登雲臺明初
僧祖心景泰中僧宗璽繼新之

仁寺

在洪澤寺西舊在城西開東宋建炎初創建待制陳
檜以金壇能仁廢額揭之紹興中燬開禧二年僧保
福重建元至正七年又燬明邑人劉宗璧捨宅創寺
于小園橋西洪武二十五年僧慶源始遷此成化已
僧僧湛然重建

大覺寺

在城南鴻鶴橋北宋建炎間始創建炎兵亂大帥劉
光世聚器產此俗
號萬明永樂中燬僧圓瞳復創弘治九年僧雲仙重
修

天王承慶寺

在登雲門內陽彭山麓初名感慈院梁天監中建宋
景定初重建明洪武中從福重修有遠塵軒

延慶寺

在葛家巷舊在壽丘山宋建炎中燬地為軍寨而明
額尚存景定五年僧祖亮移額建此
永樂成化間僧慧詮圓惠重建

海會寺

在丹徒鎮宋建炎三年創舊名尊聖後改今額

或云天聖

中改名明正統三年重建

禮部尚書王英記

永安寺

在城西石門之東弘治癸巳僧圓海重建

永業寺

在登雲門外原額鮮雲寺又以祠吳季札呼先儒寺

宋乾道間建

東霞寺

在圖山下舊名顯孝褒親院唐寶曆間建

三山寺

在六都崇德鄉宋乾道三年僧祖福建弘治六年僧

晟重修

法山寺

在東嶽廟西又名永安寺

郡人丁禮記

今為叢林

長山寺

在十四都宋紹聖四年僧智琦建

永興寺

在城西經家灣宋淳熙二年僧惠隆建請金壇廢額

揭之

地藏寺

在九華山明萬曆二十一年周棟建

橫山寺

在十四都宋乾道三年僧道能建

法雲寺

在平昌鄉唐大中五年建初名流水院宋改今額寺

有大中年所鑄鐘蘇庠有詩

大聖寺

在新豐鎮宋景定二年僧祖新建

羅漢寺

在唐顏山下唐天復中安王名其施果園為之宋

安中燬隆興中講僧崇習重建教授熊明承樂中楚

芳重建成化末復燬弘治十年惠濟重建萬曆開如

亮重建改名通濟毘盧閣貯大藏經

水陸寺

在文昌巷羅漢寺南宋淳祐元年虞法師建明洪武

中燬永樂初僧慧廣慧詮重修修撰張益記

國朝康熙中僧道恒重修

靈建寺

在定波門內唐元和六年建

彌陀寺

在懷德坊車家巷元至元間永嘉張氏捨宅建

玉山報恩寺

在西津渡口元至大三年建卽浮玉亭基也明弘治中郡守王存忠重修構觀瀾亭尋圯崇禎昭陽李長科憫風濤溺人卽山下建避風館僧長鏡主之樓閣宏敞往來江上者得憇息待渡又募造救生船十拯溺論生死殊其賞利濟甚衆

普照寺

在郡城壽丘山巔宋高宗故宅也

見類集及舊志

至陳勣寺

塔院於此山之上方以奉僧伽像名曰普照元僧祖

滿創楚山閣

趙孟頫書額

至正中西竺僧法喜以音吐洪

暢賜號圓音大師爲三十六路講師被命至寺講梵書築半山亭扁曰開演長生御講明初郡守俞淨能命僧曉堂大加修飾正德辛未監察御史謝琛屬推官史魯分寺後隙地建宗忠簡公祠寺今廢

張祐夜登慈和

寺上方有詩

龍華寺

在壽丘山麓宋紹興十一年創寺有大聖殿正宗閣

慈雲閣華嚴閣處士堂

處士姓趙淮南人

元俱燬明洪武中

僧雪堂創大雄殿諸天閣正德二年天王殿火五年

信悅重建山門舊僧綱司在焉昔有異僧自西域來

傳辟支佛腦牙及五色舍利留寺中寺廢改創縣學

惠安寺

在綠水橋北本甘露寺下方浴院南唐保大中自維

揚迎旃檀瑞像於此

見祥符圖經初向文簡公有欽聖皇后賜功德院在開封南渡

後寺僧負公像至京口乃翻此寺以舊額揭之并公像在焉

同善寺

在城東北五十里十一都宋將軍劉氏捨宅為之見祥

符圖經唐會昌中廢咸通中復曰僧伽禪院宋改今

明洪武中燬永樂中僧智榮重建

昭慶報慈寺

在城西偽吳順義三年置初名延壽宋改普慈蘇軾詩普

慈寺前干竿竹即其地也政和間賜今額中書侍郎劉逵請明弘

治八年僧清淵重修

妙喜寺

舊在通吳門內宋都統司之功德院也中有紀忠堂

宋軍帥畢再寓列陣亡將士姓名祠之今廢

雲臺寺

舊在青陽門外烏龜灣之西宋紹興間建宗忠簡公功德院也明洪武間郡守劉辰復立祠復田學士王景記寺今廢

普濟寺

在黃社村偽吳乾正三年徐知諫建舊名資福宋祥符四年改今名

長樂寺

在澗壁宋紹興中建取金壇廢額揭之寺有塔延祐

一元年建

圓覺庵

在黃祐坊宋咸淳間建元至元二十七年修

白蓮庵

在唐頰山東

廣惠庵

在鎮江衛西近城下俗呼觀音堂

庵有神曰黑哥哥失猫者禱之輒應

又呼為黑哥哥庵

六善庵

在夢溪北 國朝康熙初僧元德重修

圓通庵

在黃祐坊唐李贊皇創明楊文襄公修

翠巖室

在五州山

禪僧慈舟清修苦行自食其力翠巖其所手築也

蓮子庵

在城南鶴林寺西明崇禎間禪僧蓮子建

見山庵

在峴山麓秦僧古道創

翠山庵

在豎土山舊褒忠廟之傍明萬曆間僧性源住持海

珊建

南華庵

在朝陽門外久為禪林禪僧堅明重修

湖音庵

在城南八公巖僧若水建

紫竹庵

在八公巖僧上俯重葺

寶華庵

在東門外 國朝康熙初僧上智建

慈蔭庵

在城南漕河西岸

荷香庵

鎮江府志

卷之二十一

七

寺額

在城南漕河岸

集善庵

在城東漕河之濱金頂山側 國朝順治間僧寂靜

建

大悲庵

在新豐鎮 國朝康熙丙午僧炤弘建

大珠庵

在城南三十里明嘉靖中建

準提庵

在城南天福山麓明崇禎間僧照珙建

古祥庵

在城南內城下 國朝順治初僧性明建

上方寺

在朝陽門外明天啓間僧御明建 國朝順治初僧

普暉重建

淨葉庵

在西城外漕河西南岸明萬曆中僧古松建今庵中

奉有古松法身土人又呼曰活佛庵 國朝順治間

僧普祥重修

普福庵

在北門外 國朝順治十八年僧海會建

海潮庵

在丹徒鎮漕河東岸

三聖庵

在西城外掘港頭 國朝順治間僧聚慧建

接引庵

在北門外郡厲壇前明崇禎初年西蜀峨嵋山僧道行能施咒食建庵于此

蓮花庵

在城西陽彭山之右明初僧養仁建後僧慧徹重修

佛化庵

在南門內油壘巷

漢隱庵

在八公巖舊係陸氏別業 國朝康熙癸丑新安黃

價買為庵延僧超曇居焉

佛化庵

在城東柳泉

寶蓮庵

在定波門外龍埂東順治初僧元照建

菩提庵

在鎮西倉後 國朝順治五年僧如聞建

竹隱庵

在桃花塢東 國朝順治四年僧通壘建

普陀岩

在西城外昭關之南宋延祐間邑人鍾仁卿建明成

化間裔孫鍾溥重修胡佑記 國朝鍾允升同僧海潮

重葺

福緣庵

在西城內倉巷右 國朝康熙四年僧趙嶽募建

乾元萬壽宮

在府治西瓶塲巷宋安撫使葉再遇故宅也元大德

五年懸明弘道冲應真人余以誠收創宮之門曰通

懸南有園池亦葉氏舊業也丙午勅賜今額尚存希

魯記又有開府儀同三司輔成贊化保運懸教大宗師張上卿畫像并趙學士孟頫奉勅贊辭

明成化丙午郡守熊佑命報親院道士范文深王之

弘治丙辰文深竭貲募眾重建正殿後殿兩廊法堂

及門外石橋規制宏麗始復舊觀

懸妙觀

在石礎橋西北俗呼東觀即唐紫極宮老子祠也宋

祥符已酉改曰天慶唐以老子為祖乃建宮奉之長安曰太清洛陽曰太微諸郡曰

紫極朱祥符已酉詔天下置天慶觀近臣有請但葺紫極官用寬勞費越四載壬子詔于天慶觀置聖祖

殿紹興十三年災乾道三年總領周石重建元元貞

元年改今額有司上言江南新附郡邑有所謂天慶觀者宜改賜嘉名以協順天應人之義

遂賜名大德五年道錄余以誠重修藏殿兩廊正一

堂又建方丈樓閣八年道判滿持正重建三清殿

記明初以為祝釐之所洪武十五年建道紀司于西

廡後景泰二年住持宦王安尹道冲重創殿宇又創

三官祖師藏殿兩廡尚書沈成化二十年副都紀魏

德真遷道紀司於觀街之南仍建法堂五間於殿後

弘治十七年立石坊牌於街之東西東曰紫極仙西曰蓬萊仙

舊有宋徽宗所賜永鎮福地金牌及趙孟頫及人經

石刻今俱不存萬曆丙申知府王應麟闢大門於堂

之右直通太平街殿左有碧霞元君殿隆慶二年建

今俱圯

道冲觀

即后土別祠在石礎橋北南唐保大中建明洪武永

樂間女冠管師達建諸殿成化丙申巡撫都御史牟

俸并報親道院入縣學乃屏出女冠以居報親之眾

後漸圯形家言因三清殿東向弗利

國朝康熙壬子郡人改殿向南

紫府觀

在大慈鄉馬跡山宋永初二年建舊名福業唐上元

康為治平元年賜今額有福地鎮福石福地方圓丈餘上有鎮福

石雨雪玉蘭花黃龍青龍二洞抱朴子丹井白馬老

君石跡天下第四十九福地也咸淳志此乃東海道

相骨經之所故多靈跡明宣德九年火成化十年住

持孫禮恒建玉皇閣三清殿弘治十年孫信觀建山

門兩廡

明真觀

在長樂鄉邑人吳伯善捨宅為之伯善即妙明真舊

名修懸唐末兵亂僅存遺址宋太平興國中道士黃

贊元重建大理寺丞紹興中燬既而復建元皇慶元

年提點住持觀事余慶生增修學士虞伯

報恩光孝觀

在府治西南三里舊名天寧萬壽蔡京宋紹興丁巳

改今額中有景命萬年之殿建炎初兵犯鎮江以火

箭射殿之藻井而箭端燄滅近不能焚觀已廢今懸

真庵其下院也

華陽觀

本仁靜觀宋徽宗改今名在十一都唐貞觀中法師

魏隆居其中

崇福觀

在郡城大市西南元至元三十一年福唐商郭顯祖
建置供衆元泰定二年增建明正統中燬復建弘治
三年重建彌羅閣前樓

奉真道院

在郡城花園巷宋韓蘄王置院有鐵爐銘識
嘉定十二年鑄元至元

十九年道士趙道淵重建俞希魯
爲記

真武道院

在市河岸東宋季道人韓朴菴創元至元十九年冬

大雪有道人敝衣求宿因置之厨下明早莫知所在
但見一盆覆地啓視之作一圏圏中有雙足跡跡中
各一口字仍草地爲詩曰會得青蛇懸妙識破師門
孔竅價值萬兩黃金知音一文不要衆以爲呂洞賓
也故俗呼洞賓菴云

報親道院

在斜橋南元至元十八年維桓敏公壁捨宅建有會
真堂

竹溪小隱堂奉
先祠增三清殿明成化丙申以其地并入縣學院遂

廢

三茅道院

金江府志 卷之二十一
三
在金銀門外寶蓋山麓元延祐四年女冠戴守元建
明洪武間火宣德間復創今爲庵僧寂仁寂禮主之
玄真庵

在七師橋卽舊光孝觀之下院明正統間重建三元
閣弘治間再建玉虛殿 國朝康熙初重建大殿拓
而新之

清真庵

在郡城顧著作巷元至元中張道淵捨家建乃三茅
元符宮下院也

玉皇殿舊名拱真庵

在城西三里濱江舊爲真武廟鎮于銀山唐貞觀初
創宋高宗南渡改名拱真庵元末張士誠遣戴院列
入寇明太祖討之至浮子門盡降其衆駐師蒜山下
幸庵中時甘露寺僧師一朝見獻詩上悅後傾圮萬
曆初全真董長清募造山門有五岳樓兩翼有三官
殿北極殿葦臺正殿規模廣大更名曰玉皇殿

南雲臺

在城西寶蓋山巔張真人命道士某來澗建三官殿
謂之南雲臺

丹陽縣

普寧寺

在縣治南一里晉咸康五年內史王璠捨宅爲之

名顯陽其門東向故名唐改名朝陽避中宗諱開元天寶間重修

開元三年義瑜與功未畢死天寶八載羅喉生師無雙目鑿物曲盡世以爲得天眼命易以南面與僧濟

如亮等咸通中建僧伽塔蓋屋縣令紫宿爲記宋祥符中賜今

額至和中僧守全載加營繕禮部員外郎邵必大記建炎庚戌

燬寶祐丁巳僧福山乃大興創從事郎黃震記咸淳甲戌燬

爲雷震火起鳴吻兩殿俱燼元至元二十九年傅謙始撤鍾樓

而新之浙西道勸農營田副使陳均記大德間重建大殿泰定甲子

增翊法堂丁卯又建方丈舊有十六院嘉定中尙餘

其半日釋迦日三聖日華嚴日尊聖日大聖日地藏

日藥師日熾盛先後存釋迦三聖大聖而已三聖即藥院也

元季兵燬明洪武三十二年里人蔡彥祥重修永樂

二十二年僧慧深繼葺邑人張性中記嘉靖元年正殿燬十

九年僧慧滄募建

延慶寺

在縣南五里譚莊舊名接待院唐貞元中建宋嘉泰

中僧皓始創小庵于烈帝廟西紹定間僧廣直徙今

所請廢寺額揭之嘉熙後僧道坦繼成之元廢明宣

德正統間復建

昌國寺

在縣南三十里延陵鎮西晉太康間建唐大中初重

建宋嘉祐間修葺

奉議郎陳無逸記

明永樂正統間相繼增

建寺有古銅鍾開元中鑄

崇教寺

在經山下舊名經山院晉咸康間建唐重修宋治平

間賜今額

王存記

明永樂間修葺寺有雨花臺金牛洞

晉銀杏樹

大同寺

去縣東北二十五里舊名同林寺一名大同庵西晉

時建元延祐間重建改今額後兵燬明永樂初復建

寺有古井三福安橋瓜髮塔放生池

祇林寺

在縣西北十五里請金壇廢寺額揭之舊名雲臺唐

清泰間僧道初建明洪武三十年重建景泰四年修

葺

梁寶寺

在縣南五十里丁橋西梁大同間建明正統二年重

建

廣教寺

在縣東北四十里卽沈山院唐神龍間建南唐吏部

郎沈彬爲處士時居此院之北有庵存焉有栢號

地陳輔之少時至此每經歲始去景定三年僧行敏

重建熙記

祇園寺

在縣東南六十里東泊舊名金園唐乾寧六年建宋

治平間改今額靖康兵燬景定間建而復燬明永樂

間重建正統間增建

香巖寺

在雲陽橋北漕渠東岸唐天祐九年建舊名法果宋

改今名比丘尼所處久廢惟石幢尙存

菩薩寺

在縣西二十五里唐寶曆間建

妙覺寺

在縣東仁聖坊舊在經山寺東宋元祐間建明洪武

中改建于此正統三年修葺嘉靖初燬四十二年建

天妃宮于後

定善寺

在雲陽橋南漕渠東岸宋淳祐間淮僧宗恩建成淳

間重建明永樂景泰間相繼修建後廢萬曆間僧正

喜移建于尹公橋側邑人呼爲海會庵吏部尚書陸光祖有記

妙果寺

在縣東南七里竹村宋咸淳間剝庵後改爲寺元至元大德元統間相繼恢拓遂爲邑中巨刹後兵燬明

正統元年僧永昇重建且於泰四年增建歐陽元功作塔碑

智寶寺

去縣二十里舊名智寶院宋紹興間建明景泰初重建

嘉山寺

在嘉山龍池東宋紹興間建明宣德間重建正統中

修葺歲久頽廢萬曆間僧明海與其徒覺澄告復

田二頃山一頃重建正殿龍王廟及堂寢庖浴室

于楹郡人王肯堂記

惠安寺

去縣東五十四里一名惠安院宋丞相錢氏功德也慶元間建後兵燬明正統十二年重建增置寺

孝感寺

在縣東北耿岡宋邵安簡公亢功德院也熙寧間建賜善慶孝感禪寺明正統間重建景泰間增建

慈雲寺

在陵口鎮漕渠西舊名慈雲院宋淳祐間建明洪熙元年重建正統間增建天順三年奏改今額後燬復建

法雲寺

在縣東五十里唐天祐九年建

九里崇福寺

在太平鄉

存心寺

在柵口舖西舊名存心院宋嘉定間建後兵燬明嘉治八年重建正德二年改今名

藏經寺

去縣西二十五里一名藏經院宋紹興中建

普慈寺

在仁和鄉菴東村宋延祐間建明洪武間重建景泰中修葺成化間增建

廣福院

在縣東觀音山舊名觀音院晉太康中建宋治平末賜額壽聖隆興中改今名

僧祖權重修元至元中普賢復創有一碧萬頃亭

有鍾偽吳安仁義景定間鑄後趙善湘易去

名湖光嘉熙間改今名丞相吳潛書扁久廢萬曆間知縣管應鳳重建

又有玉乳泉

惠公克佐
書泉名

戒珠院

在縣東北蕭塘港北舊名皇基梁刺史王僧辯建

康實錄梁武帝大同十年幸蘭陵于皇基寺設齋又通鑑丹陽弘氏自湘江買木東下刺史王僧辯誣之以盜没入上方為武帝造此寺父老云武帝墓在其下寺有梁碑僧厭募擾沉之塘中唐名皇

業避懸宗諱宋改今名

復禮院 旌孝院 顯慶院 嘉山真珠院

並在永濟鄉

寶光院

在仁信鄉

真如院

在西門外

三僊院

在練塘鄉

下莊觀音院

在壽安鄉

新游院 地藏院 圓通院 夾埤大聖院

並在太平鄉

白蓮院 延壽院 廣惠院

並在石城鄉

崇德院

在縣西

道林院

在縣西四十里唐乾寧二年僧行圓建天祐間賜額

柳汁院

僧海澄建

崇福院

在季子廟東宋紹興間建

普化院

在縣南二十里宋建炎間建明正統間重修

昌福院

在縣西二十五里宋端平間建明景泰三年修葺

崇慶院

在縣西二十五里宋寶祐間建

善慶院

在縣東三十里宋紹興間建明正統間重修

興聖院

在縣南三十里宋咸淳間建明永樂中重建宣德景泰間相繼修葺

普賢院

在縣東南十二里青陽舖後一名聖墅庵乃邑人
侍郎湯東野修薦之所明景泰六年重建成化六年
增建

寧壽院

在麥坪宋淳祐間建明宣德九年重建

義行院

在縣西二十五里宋乾道間建明正統間增建

集慶院

在縣東十五里宋咸淳間建明景泰間重建

清涼院

在夾岡宋嘉熙間建明景泰間重建

奉先院

在荻唐宋乾元間建

天王院

在珥村宋咸淳中建

植德博施院

在九靈山宋參政忠惠公翟汝文功德院

大聖院十

一在董庵巷宋咸淳間董八千捨宅建明弘治八年
修一在青墩宋咸淳間僧大義建一在荆村宋淳祐

間僧祖義建一在越塘宋崇寧間侍郎湯東野建一
在陵口鎮宋慶元間蕭氏捨地居士鍾宗悟捨俗出
家建寺以家產爲常住一在珥村鎮一在東膠一在
橫塘一在前周一在新埭

大慈院

在縣西二十里元泰定間建

普濟院

在固山舊名固山庵元天曆間建明永樂間重建

積慶院

在縣東五十里元泰定間建

龍竿院

在縣東北五十里元至大間重建

大同庵

在上德鄉元延祐二年蔣山長建西天目山庵有西

來井

不壽庵

衍慶庵

普壽庵

並在桂仙鄉

大聖庵

寧壽庵

永福庵

漢王興聖庵

上壩兩莊庵

並在太平鄉

善慶庵 龍禧庵

並在上德鄉

報恩庵

在永和鄉

顯福庵 崇報庵 致恩庵

並在仁信鄉

奇林庵

在縣東三十里一名永安堂元至正間建明正統十年重建成化四年增建

西報庵

去縣西三十五里

水西庵

在縣南三十里柳茹西宋端平間建

資墳庵

在柳茹宋端平間建明永樂間修葺

節道庵

在縣北十二里宋景定間建

剝村庵

在縣東十五里宋咸淳間建明成化十二年重修

谷隱庵

在縣西北十五里元至元間建明正統間修葺

寶應庵

在縣西五里元大德間建明永樂間重建成化間修

葺

觀音庵 通濟庵 圓通庵

並元大德間建

吉祥庵

在縣東二十五里九曲河口元至大間建明洪武間

重建正統十一年增建

廣善庵

在縣東北四十里元延祐間建明景泰五年重修

鐘墳庵

在縣西二十里元延祐間建

前莊庵

在縣西二十五里元延祐中建明成化八年重建

報恩庵

在縣東二十五里元延祐間建

護聖庵

在縣南米家店元泰定間建明景泰間重建

同坑庵

存縣東四十里元泰定間建

無相庵

在縣西後觀村元泰定間建

寶林庵

在縣西南三十里元泰定間建明正統間修葺

瑞應庵

在西市河北岸元泰定間建明洪武正統間修葺後

燬弘治八年復建

致敬庵

在呂城鎮北劉家橋側元泰定間建明宣德六年重

建弘治九年增修

菩提庵

在縣北二十里瓜渚元泰定間建

普利庵

在縣西普墅元元統間建明成化中重建

護國庵

在北門外僧海澄重修

白龍庵

在經山後國朝順治間建

懸德庵

在縣南四十里一名倪莊庵宋開禧間建明永樂間
重建宣德四年增建

崇真庵

在太平鄉

倪莊庵

在石城鄉

西庵

在上德鄉

崇德庵 敬新庵

並在桂仙鄉

優然庵 徐庵 敬庵 東庵

並在永濟鄉

處士庵

在沈山寺北南唐沈彬故居也

都官庵

在練塘鄉 女冠居之

仙臺觀

在縣西二里舊謂之黃堂道院一名雲陽觀晉諶母
於此修煉飛昇宋改今名兵燹不存明洪武三十一
年重建景泰天順成化間相繼修葺 知事翟思忠記 觀有窖

經墩瘞劍函煉丹井萬曆間增建文昌閣知白堂

延昌觀

在縣南梁大同中建舊名永興寺宋治平間改爲觀
賜今額今廢

凝禧觀

去縣東北四十里舊名精舍梁大同中建宋治平中
改今名

大霄觀

在丁橋鎮西舊名靈應唐垂拱間建宋治平間改今
額嘉定間修葺觀有令威祠劉宰記天寶橋煉丹井

洪武間重建昇泰三年復建

歸真觀

在縣東南七十里舊名東嶠觀漢焦光修煉之所唐
開元間名清虛宋祥符中改今名舊有呂洞賓透壁
詩兵燹不存迄今洪熙元年重建觀又有丹井丹池
飛昇臺迎仙橋望仙墩

凝真觀

在土地橋東舊名集真道院宋紹興間建法堂

經畧范克

信記嘉定間建後殿元大德間重建明洪武間復建天

順元年賜今額後有玉皇閣順治間理人朱重

建

仁靖觀

在九靈山宋忠惠公翟汝文功德院宋乾道間建明

洪武間重建宣德十年增建

清微觀

在呂城鎮舊名崇壽院

又作聖壽

元延祐間建

翟思忠記

明洪

武十三年復建正統十一年增建

三官殿

在新橋東後有文武閣道士葛守瑛建

金壇縣

慈雲寺

在縣前東北百步梁大同初廬陵王府兵曹周祥建

宋改今額開禧中縣丞趙汝增率眾重建

太常寺丞劉宰記

明萬曆癸卯僧本安等重建大雄寶殿范銅為佛像

并建藏經閣于寺後

檢討王肯堂疏

西禪寺

在縣西一里三洞鄉宋淳熙間僧法空建明成化間

僧惠顛撤而新之 國朝康熙十一年重修

延慶寺

在縣西三十里諸禮村宋紹興間建寶祐間僧了義

重修

靈建寺

在縣東十五里金山鄉舊名靈塔院後改今名寺有

禪師岸公塔

進士崔郢撰銘

明萬曆間僧能祥建毘盧閣

為壇邑四大叢林

崇聖寺

在縣西一里許始名藥王院宋建炎初僧宗遠改建

明洪武初僧智常重修永樂間僧道實增建今廢

東禪寺

在縣東三里唐光啓間為新興禪院宋建炎間專以

奉故中書侍郎張忠穆公懋之祀賜名篤忠顯慶院

後改東禪寺宋大觀間僧義真增建鐘樓

貢士路亦臨為記

至元末廢明初僧戒持蒞切繼葺久又廢萬曆庚寅

紫柏禪師書經于金壇王翰林肯堂與尋舊址得路

貢士所為鍾樓記深賞其文發願興復乃齧別業得

千餘金屬僧如清造正殿三楹西方殿三楹新禪堂

五楹合寺門為四

大聖寺

在縣東禮智鄉宋建炎間僧深澤建

彌陀寺

在縣南七都元延祐間僧法照建泰定間僧正新重建佛殿明永樂四年僧善潤新之

報恩寺

舊在縣西三洞鄉梁大同初兵曹周祥建宋咸淳間僧惠圓重修寺門有井因結亭以施行人故俗呼施水庵明洪武間僧曾交重修復今額又廢天啓四年光祿寺署正于玉理捨宅爲寺乃取舊額揭之在縣治西南南察院左

布金寺

唐太和五年建舊名龍泉在平陽市後遷于方山之

麓改今名中廢宋嘉定初邑人吏部尚書魯喚再建

太常寺丞劉宰記

同建寺

在三洞鄉去城五里今廢爲觀音堂

普慈寺

在禮智鄉梁大同中建隋大業中廢唐長慶初重建

廣恩崇福寺

在縣南五十里希墟宋乾道四年建爲叅知政事張公綱功德院

北禪寺

在北城外百餘步漫塘之上旁有三元殿水神廟柯
邑侯去思祠

初賜圓通庵

在顧龍山舊名新興院梁大同間僧妙高創造元延
祐間重修有四佛殿大悲殿宋元間畫筆尚存彌勒

殿塔明太祖東征嘗駐蹕於此賜名圓通庵其御亭

三間正統十四年二月僧道穎奉旨重修僧道穎疏稱切思本

庵原係太祖高皇帝駐蹕處所有御牀御亭見在供

奉臣先于正統十二年二月內奉請本庵名額已蒙

勅賜圓通庵外今臣又思得本庵御亭三間年深朽

壞欲將自已衣鉢收買木料重修蓋緣係御亭未

敢擅便伏望聖恩憐憫勅部免重修蓋完固朝女焚

修祝延聖壽永圖補報便益謹具奏聞奉聖旨准他

修蓋工部知道

顯慶院

在縣西北宋端拱間建

仙院

在縣西南四十里宋建炎間建

安院

在縣南四十里元至大間建

三庵

在縣南五十里宋紹興間天旱每禱於此元至正間

僧宗員再建

興福庵

在縣南四十里元至治間僧淨觀建

薛義庵

在縣南三十里遊仙鄉元大德二年僧石眼建

真如庵

在縣西四十里宋端平間僧德原建

無盡庵

在縣南二十里元至元間僧如滿建

張祠庵

在縣南四十里元大曆間建

滿相庵

在縣西四十里舊為觀音堂元至正間僧喜信增建

雲居庵

在游仙鄉方山之麓

明覺庵

在縣北三洞鄉三十都元皇慶間建

彭城庵

在縣西上元鄉宋端拱間建

思敬庵

在縣東十五里元至正間僧惠誠建

龍興庵

在縣東二十里前莊村宋延祐七年建明嘉靖間僧

明喜真寶重修

邑令劉美撰碑

陳塘庵

在縣東十五里宋至治三年建

南禪寺

在弘化門外順治八年僧語上正智正修建

蓮花庵

在縣東北十里北渚蕩上流明崇禎十年邑人湯允

鍾等建

張明湖記

準提禪院

在朝天門外東嶽廟右即慈雲寺之別院康熙十二年僧雪林募建為接待行僧之所

準提庵

在朝天門外天啓四年副使段鏐屬僧鑑潭且拙建

廣惜庵

在會潮關對河蜀僧圓湛初結茅于此以檢字紙為坊德朔望誦經焚之投于河明崇禎十五年眾為建庵沿濠至拱極門道不一里其徒明指復於城闌外

建茶庵三楹

護國庵

在丹陽門外三里 國朝順治五年知縣金銀建

燕洞宮

在茅山燕口洞女仙錢妙真遁化立祠之所梁邵陵王有碑今不存唐天寶七年勅賜宮額宋元祐甲辰殿遷句容縣紹興二十年復建于故基


崇禧宮

在茅山丁公山之陽即陶隱居華陽下館唐貞觀時建太平觀宋勅改崇禧觀元延祐六年賜名宮 國朝副靈官張光福道士張克敬等募修唐貞觀九年賜金壇縣田地

塘蕩七十四頃八十九畝九分八厘數見茅山志歷代以來田應納錢糧七分納官三分供奉香火 國朝順治五年道士薛得璿與佃人互許道府呈詳總督巡江衙門具題請旨隨經戶部題覆疏曰清朝定鼎于宮觀賜田皆不入官崇禧宮地應免其變價迨租仍畱地內應納錢糧三分為焚修之用奉旨允行一如舊制按疏稱崇禧宮地六千三百餘畝指實折田而言也茅山志田地塘蕩俱在內故云七十四頃八十九畝有奇

太虛觀

在縣南壩之東唐經畧使戴叔倫捨宅為之舊名延真觀宋淳熙十五年改今名元末廢明洪武初道士施得成改建于市東古鎮巷永樂二年邑人潘文禮率眾重修正統間道會王知遠復遷於舊所萬曆間



邑人于東募建文昌閣戴公祠于觀左

國朝康熙十二年重修

元陽觀

在縣西六十里大茅峰南茅洞之上唐置後廢宋隆興初吳興道人沈善智穴居五十年自稱洞主時有黑虎隨其出入人皆異之後韓蘄王夫人茅氏與侍從者來訪遺跡果見黑虎從道人周旋起伏因號為伏虎真人助貲建立殿宇後改名冲虛慶元間仍請今額為觀唐顧况游元陽觀詩云此觀十年遊靈房以來已各元陽觀矣

洞虛觀

在縣西五十里陶村即陶隱居故廬隱居仙去遂為觀初名仙居石記猶存宋天禧中賜今額從事郭至今有隱居丹井在焉

莪真觀

在大茅疊玉峰下靜一劉宗師廬墓處宋大觀初勅建

崇壽觀

在縣西七十里游仙鄉大茅峰下華陽洞南便門之前即晉真人任敦成道之故宅也宋元嘉十一年路

太后始建壇宇太始中廬陵太守孔嗣之重立以居
道士華文賢建元二年齊太祖臨幸乃勅句容人王
文清為館主開置室宇廂廊號為崇元館唐貞觀初
勅改曰崇元觀天寶七年懸靜李含光奉勅重修仍
取側近百姓一百戶蠲免租徭長充修護

遺孫處懸所撰碑楊幽經書餘字漫不可識 宋大中祥符七年賜今名元

至治二年主觀張嗣貞重修 國子司業虞集撰碑

乾元觀

在縣西六十里鬱岡山梁天監中陶隱居於此創鬱
岡齋室以追懸洲之蹤宋天聖三年勅改今名明盡

北萬曆中重建 大學士王錫爵撰疏

清眞觀

去縣十五里漢元壽初賜額望仙隋大業十三年廢
唐天寶間復建宋祥符中賜今額寶元間建大殿前
有郝尊師手植檜

集仙觀

在縣東金山鄉梁大同初建隋開皇末廢唐大曆三
年重建 里人張彥記

玉虛觀

在縣西四十里唐長慶中建額曰靈寶宋治平初改

今名

王母觀

在縣南二十里十六都火廢今猶以名其地萬曆間

改建橫堰橋東

冲寂觀

在上元鄉梁徐道士捨宅爲之初曰宗真觀唐貞元

中改昇元宋祥符中改今名劉國甫有詩

遊仙觀

在縣西七十里游仙鄉宋慶元五年樞密院簽書張

釜請廢額建舊在縣西二十七里

華陽觀

在崇壽觀西梁昭明太子故宅古名鴻禧院一名福

鄉詔唐寶曆二年奉敕建改號寶曆崇元聖祖院時

李德裕供奉孔子老子尹真人三像于此宋治平中

賜名鴻禧觀宣和改賜今額

報親觀

在登榮鄉邑人趙友光建

脩真觀

在顧龍山 國朝順治九年知縣趙介建任持楊均青延全真

李靜中王觀事先是呂仙降乩屢著靈響特建觀以祀之復降乩說度人經施廣濟藥趙序刺之以行

崇真道院

在縣市東坊唐真觀三年建宋紹興間邑人李棠臣
重建後廢明洪武二十五年道會袁自源重建永樂
間道會張昌泰又建三清殿玉皇閣正統間道會王
與善重修萬曆間閣圯重建邑人王樵改曰藏經閣
為之萬曆中正殿燬

復陽道院

在孝德鄉宋紹興間建

佑聖道院

在孝德鄉宋紹興間建

上元道院

在大雲鄉

嗣真道院

在游仙鄉

真武殿

在呂墟明萬曆間邑民潘鑑募建

鎮江府志卷之二十一

陵墓

冢人墓大夫隸屬冬官事固重矣哉觀孔子爲延陵季子題墓漢高帝爲魏公子無忌陳隱王涉置守冢者乃知人生不朽之日甚長過其墓景行其行事一坏之土常深百世之恩則雖死猶生也不則其人無足述卽封之若堂若坊若覆夏屋幾何其不爲速朽耶志陵墓

丹徒縣

宋興寧陵在丹徒城東三十五里諫壁之雩山武帝父

孝皇帝所葬孝穆趙皇后孝慈蕭皇后祔焉

熙寧陵在丹徒文帝母胡太后所葬

漢荆王劉賈墓在府治後園

吳孫策墓在郡城南

按孫氏諸陵堅曰高陵在曲阿權曰蔣陵在中山唯策在丹徒追崇

木及故不稱陵魯收類集謂孫氏陵在城中復取何遜行經孫氏陵詩附之誤矣蓋遜所題乃權墓姑蘇

志有高陵謂堅與策墓

魯蕭墓在城東或云在城東苦竹山

搜神記王伯陽家在京東有大

塚伯陽妻卒乃平其塚以葬一日伯陽在廳事中以人乘肩輿導從至曰我魯子敬也安塚在此二百餘

年何輒見壞目左右牽下伯陽以刀環築之數百而去伯陽遂卒

韋昭墓在城東七里

晉東海王越墓在郡城南二里

越卒于項城喪送於此勒所得妃裴氏招魂

此

殷仲堪墓在丹徒

郗鑒墓郗愔墓俱在郡城東

陳永定中有人發愔塚見愔尸如生得左

十餘有鄭康成所書箴左氏膏盲愔手浮其後云得於廣田鄧伯道鄧云石勒軍發康成塚得之又得紙

筆金題人名

郗曇墓在丹徒

褚裒墓在郡城南七里

宋柴陽廬陵衡陽三王墓並

謝靈運有廬陵王墓下詩

蕭思話墓在京口

子惠開性至孝家素事佛乃為父造四寺曲阿舊鄉曰禪鄉寺京口

墓亭曰禪亭寺又禪岡禪封未詳所在

唐王墓在城南二十五里相傳唐太宗子所葬名及封國未詳

南唐徐知諫妻墓在黃社村普濟院之左知諫記尚存

衮王李從謙墓在城南望城岡其石翁仲尚存河西望井子旁

宋京口轉運使蘇舜欽墓在五老山端明殿學士蔡襄銘

湖州長史蘇舜欽墓在石門村歐陽修銘

參軍張知章墓在上塘村

翰林學士蘇紳墓在京峴山西北原端明殿學士李淑銘

丞相蘇頌墓在五州山北阜翰林學士曾肇銘

待制蘇攜墓在長岡妻恭人魯氏內翰汪藻志

通判蘇京墓在長岡御史游酢銘

學士刁約墓在白兔山

虞部刁某墓在樂亭村王安石銘

郎中刁總墓在繆家山

國子監直講梅堯臣妻南陽縣君謝氏墓歐陽修志云梅氏世葬宛陵以貧不能歸葬于潤州之某原未詳何地

度支葛源源子王簿良嗣墓皆在顯揚村金王安石銘

虞部豐有孚及弟有章墓並招隱山

屯田郎中柳永墓在土山下永字者卿始名三變好為潘冶之曲仁宗臨軒

放榜特細之後易名永登第永康葛勝仲丹陽集陳朝請墓志云王安禮守潤欲葬之藁殯久無歸者朝

請市高燥地親為處葬具三變始就窀穸近歲水軍
統制牟滋命軍兵鑿土得柩墓志銘并一玉篋及搜
訪摹本銘乃其始所作篆額日宋故郎中柳公墓誌
銘文皆磨滅止百餘字可讀云叔父諱永傳學善屬
文尤精于音律為泗州判官改著作郎既至闕下召
見仁廟寵進于廷授西京靈臺令後為太常博士又
云歸殯不復有日矣叔父
之卒迨二十餘年云云

大中陳汝爽及其子知軍龍輔墓在黃山柳庭後銘

朝議俞希旦墓在釜鼎山秘閣校理冀原銘

朝散俞康直墓在峴山之西父希言亦葬此

丞相陳升之墓在五州山翰林學士章惇銘韓獻肅公絳撰神道碑升母

荆國夫人竇氏及其子光祿寺丞開大理評事閔孫

知縣鎮侄朝散禮迪功琳等皆葬此

知濟州陳豫墓在汝山觀文殿學士張浚銘始豫諸子謀奕豫有夢豫刺汝州者

後得其地與豫之子待制楠孫朝散嶧朝奉明通直

夢符遂葬焉 岫皆葬此

殿中侍御史陳師錫墓在蔥塘灣一名戲魚灣

左丞王存墓在儒風里翰林學士曾肇銘又丹陽志莊定公王存墓在縣後

祠部王介墓在蒜山東蒜山在黃社村非西津蒜山也王介甫蘇子瞻皆有輓詩

殿前檢點錢某墓在菊花山祠堂灣某為武肅王錢鏐孫

延康殿學士王漢之墓在馬鞍山翰林學士弟寶文

閣學士渙之墓亦在此中書舍人程俱銘

光祿卿王罕及其妻狄氏子昭州平樂縣王簿潞墓

金在崇德鄉永安里

岐國公
王珪銘

米芾父光輔左武衛將軍贈中散大夫母贈丹陽縣

太君閻氏墓在黃鶴山

元章好奇葬親不封不
樹世莫知其穴之所在

禮部郎中米芾墓在長山

中書舍人蔡肇銘按蔡志
芾以大觀三年六月葬丹

徒長山下明時呂宦某有墓在黃鶴山郡奸民因聳
惡使米萬鍾與呂構遷呂墓立元章墓碑後遂遞相

傳誤不知蔡志與宋僧慶清跋
墓碑皆已詳明矣今特為正之

觀文殿學士宗澤墓在烏龜灣

顯謨閣學士曾懋銘
郡守吏部侍郎俞烈

為建享堂明郡守劉辰為復墓田詳見潤州先賢錄
云澤先義烏人宣和間以言事謫居潤夫人死藁葬

於此後澤尹開
封卒因合葬焉

同知樞密院事林希墓在馬蹟山

侍郎許
將銘

尚書左丞鄧潤甫墓在下渚塘

秘書監翟思墓在鐵爐山孫兵部紱亦葬其山之東

南阜

朝散大夫知楚州陳向墓在長山之白雲岡

內翰沈
括銘

丞相魯布墓在長山之相公灣

右奉議郎知舒州魯勳墓在丹徒鄉

勳布之子內
翰江藻誌

曾正議墓在獨市村

朝散大夫蔡淵墓在東霞山

翰林毛
友銘

秘書郎黃伯思墓在招隱山之麓

觀文殿大學
士李綱銘

尚書蔣猷墓在五州山西阜

按內翰汪藻志猷墓乃
云葬明州鄞縣鳳翔鄉

隱學山未
知孰是

中書侍郎劉達墓在汝山其子居
實為誌

資政殿學士趙野墓在圖山之湯靖康初野過高密
為賊所害紹興初

招魂
葬此

康州防禦使兼大醫院使何公務墓在鳳凰山兵部
侍郎

胡銓
銘

大中大夫常鎮蘇湖鈐轄丁曄墓在城西寶蓋山父

朝奉母太君符及夫人徐子得酉孫道明曾孫熙拱

皆葬此

開府儀同三司詹文墓在白兔山妻榮國夫人何氏

勅補葬子資政學士度亦葬此其族今
居緬雲

武顯大夫向子莘墓在官塘橋西北長樂山朝散大
夫吳說

文生母永康縣太君夏氏妻靜安縣君曾氏子義烏

丞游刑曹涂監酒徵排岸漳俱葬此

奉議郎常德倅向士斐墓在長山母令人俞氏亦葬

此

兵部張頡墓在丹徒橫山尚書凌
景夏誌

龍圖學士鄭某墓在謝家灣按周濂溪先生母仙遊
太君鄭氏嘗葬其兒龍

圖學士鄭向墓側後徙江
州德化疑此即向墓也

尚書郎洪某墓在繆家山

運使高某墓在官塘橋東

都督張某墓在圖山北

知泗州夏臯墓在馬蹟山臯以淮西義士從事紹定嘉熙間屢立奇功後守泗

州鄰郡有警出戰而歿有肯立廟于泗州其子安國亦以開慶授節而歿

殿丞周某墓在繆家山南

節使趙文亮墓在朝陽門外轉水灣死事勅葬

制使章琰墓在樂亭岡西父垚墓在登雲寺側

太卿龔基先及其子司農卿渠墓在五州山車灣

艾謙及子制幹慶洪教授慶長知縣洵墓在虎踞

門外查澤村

檢校高壽墓在虎踞門外五里

通判孫舜墓在虎踞門外石井兵部侍郎湘之父

郡守李迪妻葛氏墓在城西

樞密高桂墓在仁和門外四瓣山

吉州刺史韓亮及其子黃池巡檢敬墓在虎踞門

外謝家灣

左司郎中王已墓在白兔山經函口郭村父朝請母

何氏妻呂氏杜氏子太杜令朝孫金葬此

知常州孫吳會墓在鶴林寺側

叅議史昌卿墓在城南鳳凰山昌卿彌遠孫樞密宅之子仕至提轄文思

院處置使司參議官卒葬錢塘之西山
後其子興孫僑寓于此因遷葬焉

朝請大夫王元純墓在石公山
元純字居善蕭縣人任至淮東安撫司參

議官自號東山

淮西安撫使邢政墓在華蓋山

節使張某墓在查澤下偃村

勇勝軍統制官詹某墓在峴山
吳澄表墓趙孟頫題額

元翰林學士青陽夢炎墓在定波門外鳳凰山

都水監羅璧墓在招隱山下妻陳氏李氏祔

明威將軍相鎮墓在白兔山子將樂尹京祔

亞中大夫孫矩墓在汝山

縣尹朱堯永墓在菊花山妻王氏祔

俞德鄰及弟酉發墓並_{在城南三里岡之鳳凰山子}

吏部主事庸墓在東北一里許

堯允恭墓在城南謝家灣之鳳凰山

福寧州判官邢文英墓在華蓋山

提舉林桂發墓在汝山灣

將仕郎徐可庵墓在黃山
翰林學士危素銘學士揭法篆蓋

教授楊如山墓在華蓋山

建康路同知蕭漢傑墓在水西門外

黃巖州判官郭景星墓在釜鼎山



教授徐檜龍墓在白兔山

都司蔡祀墓在莫山

廣東鹽課副提舉焦禮墓在京峴山

贈承事郎丹徒縣尹顧如松及弟海道運糧千戶宗

子推官巖壽墓在寶蓋山

江浙行省叅知政事雷澤墓在鴻鶴山

富春子孫守榮墓在招隱山洞之東南

明安遠大將軍同僉書行樞密院事前鎮江統軍元帥

繆大亨墓在城西永興寺西吏部尚書

武德將軍刁百川墓在朝陽門外劉家灣

昭勇將軍黃寶墓在城西南珍珠泉側

鎮國將軍孫功妻胡氏墓在下渎塘

龍虎將軍上護軍童成墓在城西

指揮使程德墓在京峴山萬壽寺東南

指揮同知李佐墓在丁卯橋側

山西左布政使徐銘墓在鴻鶴山

雲南左布政使王豫墓在城西黃山

德州學正唐誠墓在夾山下

大醫實給太常寺正卿俸何淵墓在城南鳳凰山少師

楊士奇銘

戶部郎中呂獻墓在磨笄山麓

贈刑部郎中張震墓在馬鞍山枝

震雷澤裔後因姑母得今姓以子恂

贈本官

贈刑部郎中丹徒縣知縣袁庸墓在郡城西

大學士劉珣表

贈翰林院編修費昇墓在城南華蓋山

建寧右衛經歷丁寧墓在黃山妻華氏祔

保定府同知錢寧墓在鳳凰山

太僕寺少卿蔣敵墓在寶蓋山

贈戶部主事達顯墓在汝山

贈戶部主事趙銓墓在菊花山子郎中祥祔

廣信府儒學教授畢昇墓在黃山

國子司業費曰表

化州同知贈太子少保戶部尚書楊景墓在城西許

輪岡

參議胡清及子知府信墓在寶蓋山

禮部侍郎費閻墓在白兔山

論葬李東陽銘○曰朝順治間有奸民惑于堪

輿之說謀起間柩為葬地入山開闢墓忽烈風迅雷大作知縣李先春各重懲之

太醫院使錢宗嗣墓在白兔山

戶部郎中達毅墓在花山

尚書余子俊銘

廣東副使丁璣墓在城西白龍岡

大學士靳貴銘

刑部郎中張恂墓在馬鞍山

温州府經歷贈禮部右侍郎靳瑜墓在焦石山太

人范氏墓在馬鞍山諭葬李東陽銘

淮安府知府袁潔墓在寶蓋山

誥贈奉直大夫俞桂墓在城西長山唐勝銘

秋山居士韋椿墓在丁卯橋東大學士靳貴銘

紹興知府吉惠墓在

太子太保大學士文僖公靳貴墓在長山妻贈一品

夫人王氏墓在焦石山封一品夫人夏氏墓在白兔

山

少師大學士文襄公楊一清墓在城西大峴山誥贈

一品夫人段氏誥封一品夫人胡氏合葬

員外郎夏儒墓在大峴山姜寶誌

副使曹棟墓在

御史周密墓在磨笄山鶴林寺前

贈雲南布政司左叅政范曉墓在白兔山枝

郎中唐侃墓在

按察司副使鄒紳墓在華蓋山

知府嚴寬墓在雩山枝

贈員外郎劉擘墓在龍鳳山

山東左叅政劉際可墓在鳳皇山

皇清誥贈通議大夫內閣學士禮部侍郎張鳳儀墓在
句容之潘莊太恭人錢氏墓在廻龍山枝

內翰林國史院編修張玉裁墓在

誥封大中大夫福建副使蔣應麟墓在華蓋山太淑

人許氏合葬

王琬
銘

光祿大夫蔣邦偕妻封太夫人金氏墓在城西牌字
圩灣山子榮祿大夫蔣彪妻封夫人龔氏附

通議大夫蔣麟墓在成西高場架鼓山之樓崙山之
原妻太淑人合葬

丹陽縣

吳陵在丹陽縣西十五里漢末孫堅擊劉表于峴山為
表將黃祖射死還葬曲阿及子權稱帝追諡武烈皇
帝墓曰高陵

齊永安陵在丹陽縣東北三十里高帝父宣帝及陳皇
后所葬

泰安陵在丹陽縣東北三十一里尚德鄉高帝及昭
皇后劉氏所葬

脩安陵在丹陽縣東北三十六里經山明帝父景帝
及懿后江氏所葬

景安陵在丹陽縣東三十二里尚德鄉齊武帝所葬

興安陵在丹陽縣東北二十四里尚德鄉齊明帝及

敬后劉氏所葬

輿地志云泰安陵景安陵與安陵在故蘭陵東北金牛山其中丘隸西

齊梁二代陵陵口有大石麒麟辟邪夾道有亭有蓋戶守典之四時公卿行陵乘舩舩自方山由此入陵升安車輅傳驛置以至陵所舊跡至今存

梁建陵在丹陽縣東北二十五里東城村武帝父文帝

及獻后張氏所葬

大同十年武帝幸蘭陵謁建陵有紫雲陰覆陵上食頃乃散帝望陵

流涕所沾草皆變色陵旁有枯泉至是流水香潔○碑二其一在陵門題曰太祖文皇帝之禮道字畫正相對今陵所一碑歸然高竿乃入分書一箇中為雷火焚擊石多剝落舊志云不存唯存兩石誤也輿地志云梁大同元年作石麒麟自京口南阿中丘至陵所甚難近陵二十餘步忽如躍走為瑞帝不悅終有侯景之亂按建康實錄及隋志曲阿縣建陵隧口石麒麟起舞皆在大同十二年

脩陵在丹陽縣東二十五里皇業寺前武帝及

郗氏所葬

大同十年武帝駕至蘭陵謁建陵早

因陵但增感勳園陵職司供奉勤勞並賜位一院相傳梁武帝墓在其下

莊陵在丹陽縣二十七里梁簡文帝及簡后所葬

有巷名蕭塘港水入陵所前有石麒麟高丈餘

吳季子墓在延陵鎮西九里

孔子十字碑在廟中其墓未見按通典注晉陵中浦

有季子墓又山謙之丹陽志墓在晉陵縣北七十里則此不應有墓但舊志既書於此不敢輒去

漢孫鍾墓在白鶴山

每歲三月十五日有司致祭

董永墓在延陵鎮南董陂

人呼董墳有碑

弘璆墓在練湖上

晉左中郎將守太中大夫包某墓在延陵鎮北有碣

散騎常侍贈太尉周某墓在延陵西北六里有碣

京兆太守持節征東將軍揚州刺史盛榮墓在縣東

北二十里尚德鄉今呼盛墓

司徒蔡謨墓在縣南四十里石城鄉今土人呼為司徒墓其子齊多

側居墓

尚書左丞董憲墓在縣東南六十里楊西村憲子

梁弘偃將軍墓在縣北九里石羊子有塚大小相接

安豐侯蔡大寶墓在縣東二十里地名東城大寶以宣帝命時祀祖

至曲阿卒葬修陵之北

唐僕射褚遂良墓在縣東南竹塘村今十都竹塘後西

其地也其碣土人取以為橋今不存

扶陽王桓彥範墓在縣東尚德鄉下墅村碑字皆漫滅惟云燕

郡桓氏墓俗名酒流灣

處士張祐墓在縣東北二十里

南唐尚書郎沈彬墓在沈山南唐書本傳云彬晚歲嘗

語其子曰吾當葬骨于此及卒伐樹掘地至丈餘得一石槨製作精麗光潔可鑑蓋上有篆云開成二年

壽郁舉棺就之廣袤中度又江南野錄云彬臨終日葬處乃一虛塚石臺上有漆燈一盞又有銅碑篆云

佳城今已開雖開不葬埋漆燈猶未滅畱待沈彬來與本傳頗異○一統志又云彬墓在瑞州府

宋三司鹽鐵判官邵飾墓在彭泉村

御史裏行陳洙誌

龍圖閣直學士邵必通判約史樞密亢墓俱在尚德

鄉耿岡

安撫邵彪墓在尚德鄉瓜渚村

參政翟汝文墓在九靈山

修撰陳東墓在尚德鄉桐村

東旣死高宗悔之令每歲寒食郡為修塚或給

錢縣官致祭集其子孫宗族胙飲甚厚景定中大資馬光祖過丹陽卽墓建祠自題云有宋修撰陳公神道彌甥馬光祖書光祖母葉氏括蒼潘氏幼也初東女適潘好謙好謙之孫妻蔡氏生光祖之母明也書贈秘閣修撰勅及畫像授其齋孫紀藏之成化十一年都御史畢亨撰其行實刻石墓上正德八年郡守林魁表焉

馬帥節使解元墓在壽安鄉下邳

真州教授周孚銘

知野貽軍俞長吉墓在經山

將作監簿劉瞻墓在高牧鄉老村

陳輔誌

福建帝船楊樗年墓在經山子淮東提舉恕耐

將作監簿張友直墓在金牛山東園

王安石撰碑

吏部尚書王揚英墓在李家山

劉某墓在丁義村

宰之祖

忠州刺史魏勝墓在經山

勝隆興二年戰死清河口朝廷憫其忠敕衣冠葬此

滁州通判鍾將之墓在下邳

劉宰銘

子建昌守穎亦葬

此王遂

大中大夫蔡友墓在東村墓前有石羊馬其子海州自誌貢士大醇

亦葬此劉宰誌

彬守趙汝霖墓在春塘

直寶章閣洪秉哲墓在段庄

陳輔之墓在灣頭新廟西至順志云嘉熙間墳上忽陷見有磚榑中以鐵索懸

一棺於內時已屬他姓有草巷陳氏每歲寒食拜掃庚子飢竟為盜所發

處士蘇庠墓在耿岡原植垂絲海棠一株至今不絕其種邑人呼為海棠塚

揚州教授郭珣瑜墓在竹塘

廣西經幹范克信及子新城丞燮墓在練塘鄉北

洛

隱君竇從周墓在呂城東十里竇庄

温州通判趙崇德墓在上干

貢士洪江墓在桐村

權院殷淳墓在下橋

沿江制置使汪立信墓未詳所在立信六安人元兵南下立信率所司

至高郵拒敵知事不濟夜起慷慨悲歌扼吭而死其愛將金明以其喪歸葬丹陽

句容丞蔡宗尹墓在戴塔架閣陸當可誌

將作監簿孫應鳳及弟樞密附鳳墓在經山

蔣瑱墓在虞山虛谷方回志

巴陵丞徐松龍墓在黃泥壩師姑灣

東崇芳墓在後彭

牟應龍志

三孝女墓在大泊西

嘗以裙裹土葬母

明縣丞閻玘衣冠墓在觀音山

有碑

安遠縣簿張存墓在縣東北十里石羊村

廣西按察司副使胡善墓在觀音山左

尚書儲懋墓舊在千石墟改葬西門祖塋

少保陳循撰碑

尚書沈固墓在縣東十里石羊子

武功伯徐有貞撰神道碑

轉運使朱伯義墓在縣東北十七里菩提庵

御史王璉墓在縣東十里

僉事馬琬墓在縣西三橋

叅政陳以忠墓在經山

楊一清銘

給事中湯禮敬墓在七里廟東岡

都給事中駐擘墓在華店樓

處士孫尚聞墓在馬鞍山

副使吉棠墓在薛家庄

戶部郎中丁一中墓在邑城內縣治西北

吏部員外郎王曰休

誌

尚書姜寶墓在縣西三十里丹徒張偃湖上中背墩

贈夫人劉氏合葬

贈知縣荆樹墓在蔣頭

江西按察使贈太子太保戶部尚書賀邦泰墓在荆

城港

布政湯日昭墓在黃泥壩

僉都御史湯道衡墓在護聖庵

尚書張捷墓在縣西三十里水晶庵

尚書賀世壽墓在荆城港

金壇縣

周越翳王塚在鬱岡東面之下陶隱居云翳王是勾踐

四世孫初不肯立逃入胥山穴國人燻出之後於吳

徙還會稽為孫諸咎所殺葬此

見茅山志

漢會稽太守左恢墓在縣北十八里今地名左墓港

吳僕射高陵侯肅昭墓在縣西北六十里東溪

邑令左忠墓在縣南十八里

忠恢子

長沙太守左思墓在縣北十八里景塘南

晉東陽太守袁宏墓在縣西十五里時干村

宏三十五都人仕簡

文帝有廟

國子博士周祗墓在縣北七里

常山太守謝篤墓在縣東十六里

宋司空錄尚書事徐羨之墓在縣西南二十五里菱塲

冢

羨之東海郡人

梁中書舍人給事中王國侍郎表與祖墓在縣東十三里

散騎侍郎巴陵太守潘闡之墓在縣東二十五里
唐封運使周稹墓在東周村西

監察御史儲光義墓在莊城東村

經畧使戴叔倫墓在縣南三里

翰林學士梁肅撰碑今存惟唐故戴叔倫

倫神道碑銘數大字餘不可辨明正德中南關築壩瀋河得一碑云龜卦吉易卦凶五百年後被水衝寄語湖溪張巡檢甯吾骸骨在其中乃稍紆其河道築墳門以識之萬曆四十六年知縣張翰冲題其墓曰

詩伯夜臺

宋姚長官墓

屯田郎中姚闡之族弟曰存族侄曰孟皆嘗知其縣事卒塋縣境故稱長官墓

知岳州陳孝成墓在上元鄉西張莊

寶文閣直學士守揚州張縝墓在方山

中書侍郎張慤墓在上元鄉望張原

宗正丞蘇嘉墓在上元鄉

郡人蔡雍志

徽猷閣待制曾統及其孫吏部尚書喚墓在方山

知貴州張君胄墓在西張莊

右司諫知常州莊必強墓在縣東橫堰

秘書少監譚知柔墓在縣西強塘

參知政事文簡公張綱墓在縣西希墟

知樞密院事資政殿大學士敏肅公湯鵬舉墓在縣



東小墟

大理寺卿吳交如墓在上元鄉三培

江東提刑袁孚墓在後陽干橋西

左司諫兼侍講湯邦彥墓在伏塘

湖北安撫司叅議湯宋彥墓在唐安鄉

工部侍郎趙時侃墓在縣東五里岳莊

知吉州王萬樞墓在上元鄉白水塘

貢士劉嗣慶墓在薛埠村今呼劉墳子崇

太常寺丞劉宰墓在方山之麓地名沙壘前

工部尚書王遂墓在茅山白水塘劉汝

四平先生呂江墓在方山下蔣正子

孝子王康墓在王莊村撰碑

僉判劉繹墓在湖溪巡檢司左進士許

元監丞李景安墓在縣西化山楚志

主簿艾去病墓在朱林村

浮梁知州陳均墓在方山

宏詞李拱墓在王巷村

李之才墓在縣西徐村

明都御史虞謙墓在丹陽門外大學士楊士奇

監察御史王振墓在三十四都萬家橋撰神道碑銘

知州史遷墓在東門外

知縣劉鎮墓在橫堰橋孝清干

長史王真志

編修高遷墓在小墟

監察御史徐瑤墓在冊田村西

運使史潛墓在思墓橋西

監察御史王豪墓在東禪寺前

苑馬寺卿錢澍墓在思墓村

長史王孟堅墓在南戴莊

兵馬指揮虞瑄墓在周塔里

戶部郎中孫昂墓在城後

萬載知縣于鎰墓在東村

餘杭知縣孫冕墓在白茅祁

秦議段敏墓在朱塔村

提學副使徐蕃志

知縣馮經墓在五葉村南

平陽縣丞虞靖墓在干墓村西

知州虞夔墓在華光樓村西

知縣王栻墓在岳陽村西

推官王濂墓在觀莊村南

都御史于湛墓在官坊村西

大學士徐階志

監察御史孫悅墓在祁港口

按察司副使王臬墓在九耀寺後

山東僉事王業墓在岳陽村西

編修尹臺志

知縣鄧植墓在九耀村

右都御史王樵墓在縣南青岡墩

大學士王錫爵撰神道碑銘

編修曹大章墓在南洲

舉人于未墓在潘莊村南

雲南知府張祥鸞墓在唐宋莊

知縣唐治墓在王母觀村

都事王杲墓在洮湖北

光祿寺少卿于孔兼墓在顧龍山

翰林檢討王肯堂墓在九耀

光祿寺卿史弼墓在大榆

鄉飲大賓湯宗元墓在縣南孫莊

戶部主事張明弼志

戶部侍郎于仕廉墓在城北花橋

戶部主事張明弼墓在縣西十五里

國朝翰林院修撰蔣超墓在

